



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

47.925  
2-62



~~950~~

1072



5666

9(47.928)  
Ա-62

24 JAN 2006


ար. DR. ANTONIUS I.

# Վ Ա Ր Դ Ա Պ Ե Տ

Handwritten notes in purple ink, including the number '2' and some illegible characters.

1004  
16606

ԻԵՀԱՍՏԱՆԻ ՀԱՅԵՐԻ ՊԱՏՄՈՒԹԵԱՆ  
ՎԵՐՁԻՆ ԵՐԵՍԸ



Թարգմանեց  
Մ. ԲԱՐԽՈՒՆԴԱՐԵԱՆ



Բ Ա Ք Ո Ւ  
Տպարան Ս. Անտոնեանցի.  
1903



13 FEB 2013

Дозволено Цензурою. 25 Января 1902 г. Тифлисъ.

ქ ა რ ო ბ ა



## Ա Ջ Դ.

Ղեկավարների հայերի պատմութեան եւ Նիկոլ Թորոսովիչ եպիսկոպոսի կատարած տխուր դերին նուիրուած աշխատութիւններ շատ կան: Այս փոքրիկ յիշատակարանը, որի հեղինակը ժամանակակից էր XVII դարում տեղի ունեցած այդ անցքերին, նկարագրում է մի դէպք, երբ հայ կինը ջերմ պաշտպան է հանդիսանում իւր մայրենի եկեղեցուն, իւր ամբողջ էութեամբ բողոքում է եկեղեցիների միութեան դէմ, եւ այդ բոլորը անում է այնպիսի անձնուիրութեամբ ու եռանդով, որ նախանձելի օրինակ կարող է լինել եւ այժմ իսկ շատերի համար:

1666 թ. օգոստոսի 12-ին Նիկոլը Կամենեց է ժամանում հայր Պիղուի հետ: Այդտեղ նա հրամայում է քահանաներին, որ հետեւեալ օրը պատարագ մատուցանեն լատինական եկեղեցու ձէտով, քայց քահանաները միաբերան մերժում են եւ զնում պատմում դատաւորներին: Ժողովուրդը սաստիկ յուզվում է Եւ կատաղում: Նորա



գոչում են, թէ մենք ոչ ոքի չենք ճանաչում եւ ոչ ոքի չենք հնազանդիլ, բացի ս. Էջմիածնի կաթողիկոսից, եւ թէ այդ ըննութիւններն ղէմ թագաւորին կը ըողոքենք:— „Բռնի միութիւն հայոց Լեհաստանի ընդ եկեղեցւոյն Հոռովայ» գրքի յառաջաքանում պ. Կ. Եզեանը վերոյիշեալ տողերին կցում է հետեւեալ ծանօթութիւնը.

„Յայտ ժամանակի, յորժամ դիւցազնաբար յարեան հայր Կամենեցի ի պաշտարանութիւն եկեղեցւոյն իւրեանց ընդդէմ անօրէն հրամանաց Նիկոյի՝ հանդիսացաւ առնապէս կինն Սեֆերովիչ, մայրապետն կուսաստանին հայոց, որոյ ի մեծի պատուի գորով առ ամենեսեան՝ յորդորէր քաջալերէր զժողովուրդն մի անսալ բռնութեանցն, այլ ցանդ հաստատուն կալ եւ մնալ ի հաւատս իւրեանց, թէպէտ եւ ամենայն ջանիւք իւրեանց հնարէին խափան լինել նմա Յիսուսեանք եւ եկեղեցականք Լատինացոց: Յայս սակս եւ անճահօրէն դրուցեն զկնոջէն հեղինակք կրկին Յիշատակարանացս (էջք 82, 187, 194):— Են տեղեկութիւնք հետաքննիք զվարուց այսր Սեֆերովիչի ի մատենական Dr. Antoni-ի ընդ մակագրաւ Nowe Opowiadania Historyeshne, ի հատուածին, որ կոչի Wartabied: Էին առ հեղինակին աղբերք պատմականք ձեռագիրք, որ չեւ եւա են ընծայիալք ի լոյս“<sup>1</sup>:

Ահա այս ծանօթութեան մէջ յիշած Wartabied հատուածի թարգմանութիւնն ենք տալիս հայ ընթերցողին, հանելով „*Наяршою Одооэришье*“ ամսագրի անցեալ 1901 թ. 6-րդ եւ 7-րդ գրքերից: Սոյն յօդուածին կցած ներածութիւնը պատկանում է ոռու թարգմանիչ պ. Ս. Պիտրովսկուն, որ, տարաբախտաբար, շատ շատերի պէս այն թիւր կարծիքն ունի, որ հայոց եկեղեցին հերձուածական է:

Մ. Բ.

<sup>1</sup> Բռնի միութիւն հայոց Լեհաստանի ընդ եկեղեցւոյն Հոռովայ : Ս. Պետերբուրգ, 1884, էջ 14:

## Ն Ե Ր Ը Թ Ո Ւ Թ Ի Ի Ն

Զգոյշ, հեռատես, աշխատասէր և հեզաբարոյ հայ ժողովուրդը ենթարկուած էր կրօնական «մոլորութիւններին»—աղանդապաշտ էր, ինչպէս այն ժամանակ էին ասում: Այդ պատճառով հռովմէական կուրիայի նպատակն էր արմատախիլ անել հերձուածը և եկեղեցիներին միութիւն գոյացնել: Այնչափ էլ դիւրին չէր իրագործել այդ, որովհետև դա հակասում էր գաղթական հայերին տրուած արտունութիւններին, այսինքն՝ չէր համապատասխանում իւր ժամանակի լեհական հասարակութեան մեծամասնութեան համոզումներին, կրօնական համբերատարութեանը:

Լեհական Հանրապետութիւնը խոստացել էր հայերին, որ կարող են ազատ դաւանել իրենց կրօնքը. նոքա եպիսկոպոս էին կամենում ունենալ, որովհետև Կիևի պատրիարքութիւնը կամ, ինչպէս ուրիշներն են անուանում, Կիևի արքեպիսկոպոսութիւնն այդ ժամանակ ընկած էր, այլ ևս գոյութիւն չուներ: Մեծն Կազիմիր՝ զիջանելով գաղթականների արդարացի պահանջներին, Երկուսն աթոռանիստ քաղաք նշանակեց հայոց թեմական առաջնորդների համար: Թագաւորը չէր քննում այն հարցերը, թէ նոր թեմի սահմանները մինչև ո՞ր էին տարածվում, թէ եպիսկոպոսն արդեօք ունէր օգնական, թէ արդեօք նորա իշխանութիւնը հաւասար էր լատին եպիսկոպոսների իշխանութեանը,—այդ բոլոր հարցերի լու-





ծուրկութիւնը էր իրենց գաղթականներին: Գաղթականները հայ-լուսաւորչական դաւանութեան էին պատկանում և բերել էին իրենց հետ աւանդութիւնով վաւերացրած հրահանգներ: Եպիսկոպոս ձեռնադրել կարող էր միայն էջմիածնի կաթողիկոսը, իսկ պարօխները, քահանաները, պատկուում էին. քահանաների ընտրութիւնը կախուած էր ծխականներից, և նոքա որոշ ուժերի չէին ստանում, այլ սարում էին ժողովրդի տուրքով: Եկեղեցիների մասին հոգատարութիւնը յանձնուած էր «հոգաբարձուներին», որոնք ընտրվում էին արժանաւոր աշխարհականներից, և այս վերահասութիւնը, որ յաճախակի բռնակալական և ծանրաբեռնիչ էր լինում, այնչափ խոր արմատ էր ձգել, որ միութիւնը կայացնելուց յետոյ միայն 19 տարի անցած կարողացաւ արմատախիլ անել հ. Գէօղատ Ներսէսովիչը, Տրոյանպոլսի եպիսկոպոսը, Իլովլի կառավարիչը և այն էլ նա մեծ երկպառակութիւն ձգեց ժողովրդի մէջ: Կային և ուրիշ մեղանչութիւններ հռովմէական եկեղեցու դաւանքների դէմ, որ մանրամասնորէն պատմում է հ. Գալանոսը՝ Թէադինեանների կարգակիցը, որ միութեան ամենահռանգուն քարոզիչներից մէկն էր:

Հասկանալի է ուրեմն, թէ որպիսի դժուարութիւնների պիտի հանդիպէին և յաղթէին լատին եկեղեցու կուսակիցները կանխաւ որոշած նպատակին հասնելու համար: Նոցա ջանքերը սկսում են դեռ Սիզիլիոյ III-ի թագաւորութեան օրով, այսինքն այն ժամանակ, երբ մաքառում էին զանազան նորամուծութիւնների և հերձուածների դէմ: Ինքը թագաւորը շատ բարեպաշտ էր, և յիսուսեանները, որ նոր էին կանչուած Լեհաստան, յանձն առան հերձուածողներին հաւատափոխ անելու գործը: Նոցա սուր հայեացքից հայերը չխուսափեցին. հարաւային սահմանում գործերը շատ բարեյաջող զնացին, որովհետեւ Իլովլում հռովմէական հոգևորականութեան ներկայացուցիչն Անդրէաս Պրուխնիցկին էր, որ ս. Լոյովլի կարգի նշանաւոր ջատագովն էր, իսկ հայոց եկեղեցում Մետրոպ եպիսկոպոսի մահից յետոյ թիւրիմա-

ցութիւններ սկսեցին տեղի ունենալ: Համանման գծութիւններ, ճիշտ է, լինում էին առաջ էլ, որովհետեւ հայերը միշտ խռովում էին միմեանց հետ, սակայն այդ ժամանակուայ խռովութիւնն աւելի վտանգաւոր կերպարանք ստացաւ: Այդ միջոցին էջմիածնից եկած Մեղքիսեղեկ կաթողիկոսը, որին համոզել էին միութեան կուսակիցները, աւելի պարզ ասած, կաշառել էին, եպիսկոպոս է ձեռնադրում 22 տարեկան կուսակրօն քահանայ Նիկոլ Թորոսովիչին, որ գաղթականներից մէկի որդին էր, Կամենեցում ծնուած և Կ. Պոլսում դաստիարակուած, և ձեռնադրում է առանց ժողովրդեան ներկայացուցիչների վկայութեան և հաւանութեան: Այս տեղից ծագեց կատաղի երկպառակութիւն ու կռիւ հովուի և իւր հօտի մէջ. առաջինն պաշտպանում էր տեղական լատին հոգևորականութիւնը, իսկ երկրորդին—արտուսութիւնը:

Նիկոլ Թորոսովիչը պատմութեան մէջ երևան է գալիս, որպէս եկեղեցիների միութեան զաղափարի մարմնացեալ անձնագոհութիւն, իսկ երբեմն էլ ցոյց է տալիս մինչև անգամ նահատակուելու պատրաստականութիւն: Այսպէս, օրինակի համար, Յան-Վազիմիի հետ խօսելիս, որ այդ ժամանակ տակաւին իշխան էր, երբ սա համոզում էր եպիսկոպոսին եկեղեցիներից մէկը տալ հայ լուսաւորչականներին, նա, ինչպէս ասում են, բացականչելով պատասխանում է. «Բարի եղէք և արդարացրէք ինձ նորին մեծութեան առաջ. և որովհետեւ ես կաթոլիկ արքեպիսկոպոս եմ, ուստի չեմ կարող տալ և ոչ մի եկեղեցի հերձուածողների ձեռը. յայտնեցէք, խնդրեմ, նորին մեծութեան, եթէ կամենում է, թող հրամայէ, որ ինձ սպանեն, նա Բոլեսլաւ (քաջ) կըլինի, իսկ ես—Ստանիսլաւ» \*:

Ըստ երևութիւն դա շատ գեղեցիկ է, սակայն մեղային ունի և իւր երկրորդ կողմը, որ ստուեր է ձգում յա-

\* Կրեկովի Ստանիսլաւ եպիսկոպոսի նահատակութիւնն է պնդուած, որ տեղի ունեցաւ XI-րդ դարում Բոլեսլաւ II-րդ Գոուզ թագաւորի հրամանով:



նուն միութեան կատարած այս ծառայութիւնները վերայ: Կարգալով Պաշտօնակու հրատարակած յիշատակարանները, հիմնուելով սակաւաթիւ ձեռագիր աղբիւրները վերայ, եկեղեցիների միութեան իրագործման ամբողջ ծառայութիւնը (եթէ միայն այդ ծառայութիւն կարելի է համարել) պէտք է վերագրենք երկու համեստ և երջանիկ մարդկանց՝ հայր Գայանոսին և հայր Պիղուէին, որոնք միասին երական ոգևորութեան և նուրբ զարգացած ոգեզմայլութեան հետ միասին ունէին աւելի ևս նուրբ դիպլոմատիքական ներթափանցութիւն, որ միայն խտալացիներին է յատուկ: Համարձակ կարող ենք ասել, որ եթէ չլինէր Մարիա-Լիւզովիկէն (Նան-Վազիմիր թագաւորի կինը), որ հերետիկոսութիւնը բնաջինջ անելու համար փափագում էր երկնից արքայութեան արժանանալու, եթէ չլինէր Պինիխտակի նուիրակը, որ շատ էր վախեցնում էր հայերին թագաւորի բարկութեամբ,—բայց մենք գիտենք, որ հայ զաղթականները շատ էին յարգում այդ ժամանակ Լեհաստանում թագաւորող սոսմը,—միութիւնը երբէք զուլի գալ չէր կարող:

Ճարպիկ Թէագիներեններն այդ կռուի ժամանակ շուտ էին տալիս Նիկոլին, որ կողմն որ կամենում էին: Իբրև է, իւր հովուական թղթերում նա բաւական փառաւոր կերպով էր գրում իւր մասին՝ «ողորմութեամբն Աստուծոյ և առաքելական աթոռանիստ քաղաքի Իլվովի Հայոց արքեպիսկոպոս, հովիւ Հայ ազգի համայն Լեհաստանում և Վլադիսլաւի թագաւորութեան մէջ. սբ. Միքայէլի ասպիտ և սբ. Հօր ընթերակայ»,—այսպէս էր նա բեմի վերայ, իսկ կուլիսների ետևում բաւական կերպարանափոխվում էր: Սիրում էր գեղեցիկ սեւը, մօտը պահում էր անասլափից փախցրած մի կոյս՝ ծագումով չլեախտուհի, պահում էր որպէս իւր օրինաւոր կինը, և լեհերից շատերը կարծում էին, թէ հայ եպիսկոպոսները կարող են ամուսնացած լինել: Մինչև անգամ այդ կնոջից երկու արու գաւակ ունէր, որոնք մեծ ազդեցութիւն էին ունենում իրենց հօր վերայ: Չիւր էր վաճա-

ռում, այն էլ ոչ միշտ բարեխղճութեամբ, կեղեքում էր հոգևորականութիւնն ու ժողովուրդը: Մի անգամ նա գալիս է Կամենեց, և երբ տեղական ծխականները չեն վճարում նորան ճանանպարհածախքը, նա վերցնում է որպէս գրաւ, եկեղեցու արծաթէ անօթները և մինչև անգամ սեղանի աշտանակները, իսկ երբ պատկանելին հատուցանում են, նա դարձեալ չէ վերադարձնում առած գրաւը: Այդ պատճառով էլ յետոյ, երբ լուր էին առնում, թէ արքեպիսկոպոսը ժամանել է, հայ եկեղեցիներից՝ դուրս էին տանում բոլոր թանկագին իրեղէնները, ազահ սրբազանից և ասպետից թագցնելու համար... Այդ դեռքիչ է. միութեան գործը զուլս բերելու ամենատաք ժամանակ, երբ ինքը հրապարակով խօսում էր, որպէս միութեան ջերմ կուսակից, ինքն էլ Կամենեցի բնակիչներից ընդունեց մի քանի հարիւր ոսկի, զբաւոր կերպով կապուելով, որ չի ստիպիլ նոցա «նորամածութիւններն» ընդունելու:

Այս ամէնն այնչափ էլ չէին տրամադրում հերձուածողներին դէպի եկեղեցիների միութիւն տարածողը: Իլվովի վաճառականները՝ քառասուն տարի կռուելով եկեղեցու դաւանանքների համար, աղքատացել, կորցրել էին իրենց կարողութիւնը: Մոլեռանդութեամբ կապուած լինելով հին եկեղեցու հետ, նոքա մոռացել էին առևտուրը, անձնատուր էին եղել միայն կրօնական վիճաբանութիւնների, որոնցով լի էր նոցա կեանքն այդ ժամանակ:

Կարգալով հ. Պիղուէի յիշատակարանը՝ մարդ զարմացած է մնում, թէ որչափ ճարպիկ էին գործում միասիններները խաւարի և անտիապաշտութեան դէմ, որ աւելի և աւելի էին բորբոքում Արևելքից նոր եկողները: Վլադիսլաւ IX-ը՝ սողորուած լինելով համերաչխութեան սկզբունքներով, թուլացնում էր զաղթականների զլխին թափուող հարուածները, իսկ չլեախտիքական հասարակութիւնն այդ կռուի վերայ բաւականին սառնասիրտ էր նայում: Սորա կարծիքով, հայերին տրուած արտունութիւնները չէին կորցնում իրենց պարտաւորեցուցիչ ոյժը, այն-



պէս որ վերջ ի վերջոյ միութեան կուսակիցները և լուսաւորչականները մէջ տեղի ունեցող ատենախօսութիւնները պիտի լինէին պաշտօնական կանցլերի ներկայութեամբ, որ դատաւոր էր ընտրուած լինում կուռող կողմերի համար, և նա էր վճռում, թէ որ կողմն էր արդար:

Վլադիսլաւ IV մահից յետոյ գործի վիճակը փոխուեցաւ, այնպէս որ 1665 թ. Իլլովի հայ ծխականները շրջակայ Չերվոննի Ռուսի գիւղերի հետ միասին ընդունեցին միութեան դաշնագիրը և հանդիսաւոր կերպով ուխտեցին կատարել: Ի մխիթարութիւն պիտի աւելացնենք, որ այդ բոլորն եղաւ առանց մի կաթիլ արիւն թափելու:

Սակայն մնում էր Կամենեցը: Այստեղ գործն աւելի դժուար էր առաջ գնում: Վերը մենք ասացինք, որ Մեծն Կազիմիր՝ նշանակելով հայոց եպիսկոպոսութիւն, չէր որոշել նորա սահմանները: Նա մինչև անգամ չէր կարող մտցնել այդ եպիսկոպոսութեան սահմանի մէջ Պողոս լի նահանգը, որովհետև այն ժամանակ այդ նահանգը դեռ չէր պատկանում Լեհաստանին: Այդ իսկ պատճառով Կամենեցի բնակիչները մի տեսակ կամայականութիւն էին ցոյց տալիս Իլլովի հոգևոր իշխանութեան վերաբերութեամբ, կամ ուրիշ խօսքերով ասած, բոլորովին չէին ընդունում նորան: Այսպէս, օրինակի համար, Խոտուբէյը տեղական եկեղեցու հիմնարկութեան թղթում (1498) պարզ ասում է, որ ծխականներին է յանձնում տոճարը հայր Յանի՝ համայն Ռուսիոյ և Վալախիա երկրի արքեպիսկոպոսի ներկայութեամբ, որովհետև վերոյիշեալ մեր բոլոր գաւառների հոգևոր կառավարիչը այժմ նա է: Գուցէ այս Յան (Յովհան) Աւետիք եպիսկոպոսին է յիշում հ. Սաղովի Բարոնչը իւր գրքում, ասելով որ XV դարում նա էր կառավարում Կամենեցը: Իլլովի այդ ժամանակուայ հայ քահանաների ցուցակում մենք չենք պատահում հ. Յանին և ենթադրում ենք, որ եթէ Իլլովը նորա իշխանութեան ներքոյ լինէր, անշուշտ արտունութեան մէջ յիշատակութիւն կը լինէր այդ մասին:

Ուրիշ աղբիւրներից մենք իմանում ենք, որ Կամենեցի

նեցի բնակիչները հաւատոյ գործերի վերաբերութեամբ աւելի յաճախ Սոչաւ էին դիմում, քան թէ Իլլով: Սոչաւում հայոց եկեղեցու արարողութիւններն անթերի էին պահպանուած, իսկ Իլլովում փոփոխութիւնների էին ենթարկուած: Շարունակ փոխվում էին և Կամենեցի բնակիչները. գաղթականների նորանոր հոսանքը միշտ աւելացնում էր նոցա թիւը—այստեղ նոքա կամենում էին իրենց բախտն ու նոր հայրենիքը գտնել: Այդ իսկ պատճառով հին արարողութիւն պահպանող քահանաներն աւելի շուտով այդտեղ էին կուսակիցներ գտնում: Մեքլիսեղեկ կաթողիկոսը՝ փախչելով Իլլովից և հրաժարուելով նորամուծութիւններից, կարճ ժամանակ մնաց Կամենեցում և այդտեղ էլ մեռաւ,—հաւատարիմ մնալով լուսաւորչական եկեղեցու դաւանանքներին: Մինչև անգամ եկեղեցիների միութիւնը կայացնելուց յետոյ սահմանագլխի ժողովրդի մէջ բաւականին հաստատուն էր մնացել «կեղծ եպիսկոպոս» անուանուած Յան Բեռնատովիչը (1683), թէպէտ պէտք չէ մոռանալ, որ այդ տաճկական կառավարութեան \* ժամանակ էր, իսկ մուսուլմանները չէին հետաքրքրվում աղանդների մանրամասնութիւններով:

Աչքի էին ընկնում այդ ազգի Կամենեցի բնակիչները: Նոցա զարգացման և բարգաւաճման ամենալաւ ժամանակը քանակութեան կողմից, որ ունէր իւր նշանակութիւնը և հարստութեան վերաբերմամբ, XVII-ըդ դարի առաջին կէսն էր: Պաւլիսկու թարգմանած յիշատակարանների հեղինակը հաւատացնում է, որ այդ ժամանակ Լեհաստանի բոլոր հայերի թիւը 3000 էր: Սակայն այդ կարծիքը սխալ է, որովհետև երբ թուրքերը տիրեցին Պողոլիային, հայերի թիւն անհամեմատ աւելի էր:

Վերլուծւմ իւր ճանապարհորդութեան մէջ, որ նկարագրել է դր. Լիսկին և որ կատարուած է համարեա Կամենեցի նուաճման նախընթաց օրը, 3—4 հազար ըն-

\* Պողոլեան գաւառը 27 տարի (1672—1699) տաճկաց իշխանութեան ներքոյ էր: Գ.



տանիք է հաշուում և ոչ թէ հողի: Նկարագրած ժամանակին նոցա թիւը Կամենեցում հաշուում էին 1200 ընտանիք. արդարև, այդ ամենարագմամարդ և հարուստ գաղութն էր ամբողջ Լեհական Հանրապետութեան մէջ:

Քաղաքի անազին մասը (համեմատութեամբ ուրիշ բնակչութիւններին հետ) հայերին էր պատկանում: Այժմեան նահանգապետի հրապարակը նորա փոքրագոյն մասն էր, այնպէս որ այն բաւականաչափ մեծ շինութիւնը, որ գտնվում է Պաղովիան տիրապետողների պալատի կողքին (որ կառուցուած է միայն անցեալ XIX դարում), հայկական շուկայի կենտրոնն է կազմում. դա երկու յարկանի քարէ տուն էր, այդտեղ էր խորհրդարանը, ուր վճռվում էին կարևորագոյն գործերը: ձակատը, որ դարդարուած էր պատշգամով և ունէր յարմար նստարաններ, մի տեսակ բորսա էր: Տեղական վաճառականներն այդտեղ էին գին նշանակում արևելքից բերած ապրանքներին, և այդ գները նշանակութիւն ունէին ոչ թէ մի քաղաքի, այլ ամբողջ Լեհաստանի, նաև Ռուսիայի համար: Այդ երկայն շուկան, որ շրջապատուած էր բարձր տներով և պահեստներով, զարգարուած էր չորս եկեղեցիներով. արևմտեան կողմում ս. Համբարձման եկեղեցին էր, ուր այժմ մասնաւոր մարդու տուն է. դա մի փայտէ շինութիւն էր, որ աւերուեցաւ տաճիկների ուժրակոծութեան ժամանակ: Հարաւ-արևելեան կողմում ս. Ստեփանոսի եկեղեցին էր, որ այժմ մասնաւոր մարդու սեպհականութիւն է: Շուկայի արևելեան կողմում ս. Միքայէլի եկեղեցին էր և մի փոքրիկ, կարծես թէ նորա ետակից կայքած, եկեղեցի էլ Ամենասուրբ Կոյսին Մարիամու, ուր մի ընդարձակ գերեզմանատուն կար: Սովորաբար այնտեղ 12—20 քահանայ էր լինում, թէպէտ 1686 թ. հ. Պիդուն միայն 7 քահանայ է տեսնում: Մի քանի տասնեակ վարդապետ է եղել միայն և 12 կոյս, որոնք, ինչպէս ասում է վերոյիշեալ հեղինակը, անուսով էին միայն կոյս, իսկ չորերով համարեա բոլորովին չէին զանազանվում աշխարհիկ կանանցից: Նոքա ապրում են

առանց կանոնադրութեան, մի մեծ բաց տան մէջ, որ եկեղեցուն էր պատկանում, և իրենց արձակ կենցաղավարութեամբ, ծանօթութիւններով, առևտրով վատ ազդեցութիւն էին ունենում: Ս. Նիկողայոսի եկեղեցին ամենագեղեցիկն էր: Մի փոքրիկ հրապարակի վերայ էր կառուցուած և երեք կողմից պատած էր սիւնազարդ զաւթով. նա զանազանվում էր իւր բիւզանդական ոճի աչքի ընկնող գծերով: Գաւիթը ծածկուած էր խաիրով, և ամառուայ արևակէզ շոգերին այդտեղ էր քաղաքի ամենածերը կայացնում իւր ժողովները, այդտեղ էին վճռվում հոգևոր հարցերը, իսկ ազատ ժամանակը, պարսպ միջոցին մինչև անգամ առևտրով էին պարսպում:

Հետաքրքրական է Լեհաստան դաղթած հայերի բնաւորութեան նկարագիրը, որ անում է Վերգուլը. «Նոքա իրենց հեռու են պահում լեհացիներից և ուրիշ բնակչութիւններից ու կրօններից, ինչպէս հրէաներն են անում, սակայն հայերը նոյնչափ գոռոզ ու հպարտ են, որչափ հրէաները չնչին են ու ստորաքարչ: Իրենց յիմար կարմրաթուշ երեսից՝ դուրս ընկած հպարտ աչքերով, նոյնչափ զիւրին է նոցա զանազանել ուրիշ մարդկանցից, որչափ և հրէաներին իրենց վտիտ ու գունատ դէմքից: Նոքա հազիւ են ամուսնանում օտարների հետ, որոնք իրենց ազգային հաւատին չեն պատկանում, և նոքա էլ ամենահարուստ ու ճարպիկ վաճառականներն են իրենց երկրում»:

Քիչ չէին Կամենեցում հայ ազգատոհմեր, որոնք այսպէս կամ այնպէս նշանաւոր և անուանի էին: Ամենից առաջ Չերվոննաեա Ռուս եկած «խաչակիրներն», այսինքն ասպետների թուին էին պատկանում Թէոդորովիչները և Սուլթանները: Սոցա մի ճիւղը տեղափոխուեցաւ Լիթուական Պոլեսիէ ու Լիթուա և այդ ազգատոհմը այնտեղ բազմաթիւ սերունդ տուեց: Յայտնի է, որ Լեհական Հանրապետութիւնը հայ «խաչակիրներին» տոհմական ազնուականներ ճանաչեց: Դեռ XVII դարի սկզբում չեախտութեան իրաւունք ձեռք բերածների թուին էին պատ-



կանում Աւագները, որ յետոյ յայտնի էին Չալոյսկի ազգանունով, Սեֆերովիչները կամ Շաղլինները և Կրիստոֆովիչները: Պատուաւոր քաղաքացու կոչման արժանացել էին՝ Ազոպոսները (Ազոպոսովիչները), Աթաբէկները (Աւգուստինովիչները), Աքսէնտովիչները, Բողզանովիչները, Սոսպոպները, Գարբուրիզովիչները, Պօղոսները, Բուդազովիչները, Նանովիչները, Տօնապետովիչները, Քերեմովիչները, Լապինովիչները, Միսըրովիչները, Մուրատովիչները, Վարդերեսովիչները, Չախնովիչները, Լազարելիչները, Բալովիչները (յետոյ եղան Բալիցկի), Ասլանովիչները, Շիմոնովիչները, Վասկոները, Ռոշկոները, Վարչիկները, Գաբրիելովիչները և շատ ուրիշները:

Այս տոհմական պատուաւորներն իրենց միջից ընտրում էին քաղաքային պաշտօնական անձինք, որոնց թիւը քիչ չէր. վոյթ, կամ պրէտոր և կամ պրոկոնսուլ (գերհիւպատոս), Տուայց (մազիստրատի անդամ) կամ կոնսուլ (հիւպատոս), որոնցից աւագը երէցփոխան էր կոչվում և, այսպէս ասած, քաղաքային դատարանի փոխ-նախագահն էր: Սորա հետ միասին կային և քառասուն «հաւատարմատար մարդիկ» (դատաւորներ), որոնք ունէին իրենց նախագահը: Մի այդքան էլ ընտրվում էր և հասարակ մարդկանցից՝ «ժողովրդի բարի, հաւատարիմ և ունեւոր մարդկանցից»: Նոցա ցուցակը նախագահն էր կազմում, և ամեն տարի ս. Մատթէոսի նախատօնակին «հաւատարմատար մարդկանց» հետ միասին ձեռնարկում էին վոյթի և նորա օգնականի ընտրութեան, նաև եկեղեցու համար երէցփոխան, թագաւորին և կաթողիկոսին ներկայանալու համար պատգամաւորներ և այլն էին ընտրում: Այնու ամենայնիւ նոցա այդ իրաւունքը մի քիչ սահմանափակուած էր. ընտրութիւններէն առաջ ընտրողների ցուցակը նայում էր պրէտորը կոնսուլների հետ միասին, և սոքա իրաւունք ունէին ցուցակից հանելու այն մարդկանց անունները, որոնց չէին հաւանում: Այսպէս, այն տասն հոգիները, որոնք հեռանում էին վարչական ասպարիզից, դեռ ևս կարող էին ազդել նախագահողի և

ընտրութիւնները ղեկավարող մարդկանց վերայ: Այս օրէնքը վերջնական հաստատութիւն ստացաւ 1635 թ. Վրդիպաւ IV թագաւորի օրով:

Ընտրուած պաշտօնական անձինք կառավարում էին բնակիչներին ու եկեղեցին: Եկեղեցին նոյնպէս նոցա էր հպատակ. եկեղեցապատկան կաքերի, տաճարների վերանորոգութեան և եկեղեցական արարողութեան պայծառութեան համար ամեն մի անհրաժեշտ պիտոյք հոգացող հոգաբարձուների գլուխը՝ երէցփոխանն էր: Նորա հսկողութեան ներքոյ էին երաժշտութիւնը, երգեցողութիւնը և մատաղի կենդանիները:

Հայ քահանան սովորաբար պսակուած էր լինում և ինքը մենակ էր կատարում ամեն մի ծիսակատարութիւն, որովհետև արեղանները և վարդապետներն՝ ամուրի լինելով, այդ իրաւունքը չունէին, թէպէտ, միւս կողմից, արեղան կամ վարդապետն ամուսնանալով առանց դժուարութեան կարող էր քահանայ դառնալ:

Մեծ յարգանք էին վայելում հայ եկեղեցու պաշտօնեաները. նախ և առաջ նուիրակը, այսինքն պատրիարքի ներկայացուցիչը, որ ամեն տարի ուղարկվում էր Եջմիածնից: Սովորաբար նա առաջուց մարդիկ էր ուղարկում և յայտնում իւր գալու մասին, և յետոյ ամբողջ քաղաքը հոգևորականների առաջնորդութեամբ առաջն էր դնում, աղաղակներով, երգերով ողջունում նորա գալուստը, մինչև անգամ պարում էին, որ այստեղ ուրախութեան մի առանձին նշան էր:

Նուիրակը՝ երկայն վարդապետական շոր հագած, թափառականի ցուպը ձեռին, հանդիսաւոր կերպով քաղաք էր բերվում և տեղաւորվում եկեղեցապատկան տներէն մէկում, իսկ հետևեալ օրը նա սկսում է իւր դործն աղօթքով. յետոյ դուրս էր գալիս հրապարակ, անցնում փողոցները և հրաւիրում ժողովուրդը նուիրաբերութիւն անելու յօգուտ պատրիարքի: Արևելեան էֆֆէկտներով, արտասուալի ձայնով նա նկարագրում էր եկեղեցու պետի կարիքները, աւելացնելով որ՝ եթէ չհատուցանուի



պարսիկներին ու տաճրիկներին սահմանուած տուրքը, Մայր Աթոռը, նորա հետ միասին և սրբութիւնները հրաշալի Շողակաթ տաճարը գետնի հետ պիտի հաւասարուին...

Կամենեց-Պողոսկի այժմեան ընակիչները չեն կարող մինչև անգամ երեակայել, որ փողոցներում մի այդպիսի հիւր կարող է լինել: Մինչդեռ երկու հարիւր տարի առաջ այդ սովորական երեւոյթ էր և ընտելացել էին նորան: Յիշում ենք, շեխախոյններից մէկի յիշատակարանում մենք կարդացել ենք. «Յեկաւ նոցա (հայերի) քահանան Արեւելքից և ողորմութիւն էր խնդրում... Նուիրաբերութիւններն, երեկ, առատաձեռն էին լինում, որովհետև երբեմն նուիրակների փոխարէն իրենք կաթողիկոսներն էին Լեհաստան գալիս, իսկ նոցանից երկուսը՝ Ստեփանն ու Մելքիսեղեկը, հրաժարուելով հայրենիքում բարձր պատիւներից, բաւականացան Իլլովի եպիսկոպոսը լինելու համեստ աստիճանով:

Նուիրակներից յետոյ յիշատակութեան արժանի են այսպէս ասած Անարծաթները, այսինքն արեղաները կամ գիւղական աստուածաբանները: Սոցա կոչումն էր գիւղէ գիւղ շրջել և քարոզել ժողովուրդը, նոքա արծաթ չէին ստանում, այլ միայն կերակուր ու հագուստ և դորա փոխարէն դանազան նախապաշարմունք էին տարածում, զրգուում էին սնտախապաշտ ժողովուրդը: Սովորաբար նոքա համայն էին բաժանում, այսինքն պահպանող թղթեր, — երկար նեղ թղթի կամ մագաղաթի կտոր՝ դարդարուած միատիքական նշաններով և պէս պէս գրութիւններով: Տգէտ հայր կախում էր այդ համայնը վզից, համոզուած լինելով, որ ազատ պիտի մնայ դժբաղդութիւններից, սատանայից և այլն...: Բայց պէտք է իմանալ, որ վախկոտ գաղթականներին շատ շուտ շուտ էր վախեցնում սատանան. լիբը դեռ յանդգնութիւն էր ունեցել իւր իսկական կերպարանքով մինչև անգամ Նիկոլ Թորոսովիչին ներկայանալ, չնայելով որ երկիւղած եպիսկոպոսը միշտ զրպանում ունէր պահած ս. Գրիգոր Լուսաւորչի մատը:

Նւ առհասարակ, եթէ հաւատալու լինինք պատմութիւններին, Կամենեցի դէն ամենայամառն էր, չէր ենթարկվում չ մի հմայութեան: Որքան էր նա զգուեցնում սրբազանին, երբ սա սահմանագլուխները հռովմէական եկեղեցու հետ միացնելու գործի համար էր աշխատում. նամանաւանդ նա ծաղրում էր գերապատիւ եպիսկոպոսի խեղճ փոքրաւորին, նորա հաւատարիմ ծառային...

Բայց հայոց եկեղեցու ամենաբարձր աստիճանը բարձրագոյն աստուածաբանութեան դոկտորի կամ վարդապետի աստիճանն էր, որ առանց կաթողիկոսի լիազօրութեան իրաւունք ունէր հրապարակով նզովելու եպիսկոպոսներին: Վարդապետը պիտի ունենար խօսելու ձիրք և երգեցողութեան ուսուցիչ լինէր: Այս արևելեան գիտնականները, որ էջմիածնի ճեմարանի արգիւնք էին, յաճախ էին գալիս Լեհաստան, բայց երբեմն-երբեմն էին մտնում Կամենեց: Սև լօգիկ հագած, գլխին սրածայր վեղար (cucullum) դրած, մերկ պարանոցով, ահագին ցուպը ձեռին, որի ծայրն ի նշան նոցա բարձր պաշտօնի երկձիւղ էր, եկեղեցիներում և մարդաշատ հրապարակներում դուրս էին գալիս քարոզելու և ճառեր ասելու: Հասարակական կարծիքի ղեկավար հանդիսանալով. նոքա հարստահարում էին ժողովուրդը յօգուտ ծայրագոյն պատրիարքի: Սոքա էլ ամենից շատ էին հակառակում հայոց եկեղեցու միութեանը հռովմէականի հետ:

Այդպիսի վարդապետներից մէկի մասին և մենք կամենում ենք մի փոքրիկ պատմութիւն առաջ բերել:



# Վ Ա Ր Դ Ա Պ Ե Տ

1660 թ. էր: Կամենեցի գաղթականները խումբ խումբ դիմում էին դէպի Խոտիմի ճանապարհը, անհամբերութեամբ սպասելով երկու հիւրի, որոնց գալու մասին վաղուց արդէն ծանուցուած էր. դոքա արևելեան իմաստութեան երկու վառ աստղեր էին՝ Կրիստոֆ Զիմոնովիչ և Եան Գրիգոր Մուրատովիչ: Գոցանից առաջինը նշանաւոր լեզուագէտ էր, հասկանում էր աշխարհիս համարեա բոլոր լեզուները: Երկրորդը յայտնի վարդապետ էր, հմուտ ճարտասան և երգիչ, շատ բարեպաշտ և նախահայրերի կրօնքին հաւատարիմ մի մարդ: Երկուսն էլ հայրենիք էին վերադառնում, որովհետև ցերեկուայ լոյսը տեսնելու նորա արժանացել էին Կամենեցում, իսկ էջմիածնում միայն գիտութեան լոյսն էին ստացել:

Երկար էր նոցա ճանապարհորդութիւնը և վտանգաւոր. սուրբ քաղաքից (յիշեցնենք ընթերցողներին, որ այդ քաղաքը Կովկասումն է և Երևանից ոտով գնալու մի ժամ (?) տարածութիւն հեռու: Սև ծովի ափերով պէտք էր գնալ մինչև Ստամբուլ,

այն տեղից մինչև Խոտիմեան Ռաիսը կարաւանով կամ այն չաուշի պաշտպանութեան ներքոյ, որ ուղարկվում էր Խոտիմի փաշայի մօտ: Բայց որովհետև կարաւաններ յաճախ չէին գնում և Իլւանն էլ չաուշներ շատ յաճախ չէր ուղարկում, ուստի երիտասարդներն օգտուեցան Տաճկաստանի մայրաքաղաքում գտնուելուց. նոցանից մէկն ուսուցանուած էր, իսկ միւսը՝ ինքն էր ուսանում: Զիմոնովիչն ազբատ ընտանիքի զաւակ լինելով և մանրավաճառութեամբ պարապելով Կամենեցում, ծարաւի է լինում գիտութիւնների և ամենից առաջ իրեն նուիրում է արևելեան լեզուների ուսումնասիրութեան: Նորանից լաւ ոչ ոք այնպէս — հիմնովին չգիտէր հայոց գրականութիւնը (այդ Պիղոնն ևս խոստովանում է), որ բոլորովին տարբերվում է Լեհաստանի գաղթականների խօսակցական բարբառից: Նոցա մէջ մօտաւորապէս այնպիսի դանազանութիւն կար, ինչպէս լատիներէնի և իտալերէնի մէջ, և, բացի դորանից, հայերի խօսակցական լեզուի մէջ պարսկերէն, տաճկերէն, թաթարերէն, ռուսերէն, լեհերէն և մինչև անգամ եբրայեցերէն բազմաթիւ խօսքեր կային:

Մուրատովիչը պատկանում էր Կամենեցի ազնուական դասակարգին: Նորա Սեֆեր պապը Պարսկաստան էր գնում Սիդիգմունդ III-ի համար ակնկալէններ գնելու: Իւր առաքելութիւնը նա լաւ էր կատարում, վաստակել էր շահի բարի տրամադրութիւնը և դորանով էլ արժանացել էր իւր թագաւորի բարեմտութեան: Վարդապետի մեծ եղբայրը յայտնի վաճառական էր և կոնսուլ Կամենեցում:

Սեպտեմբերի վերջին Կամենեցի ընակիչներն



արժանացան իրենց ճանապարհորդների տեսութեան: Բնակիչներն այս դէպքի առթիւ այնչափ էին ոգևորուել, որ կամենում էին երկու համեստ երիտասարդների քաղաք ժամանելու միջոցին եկեղեցիների գանգերը տալ. նոցա ուզեկցում էր միայն մի կիսամերկ տղայ, որ նստած էր մուգաւական մասում, ուր նոցա աղքատիկ իրերն էին տեղաւորուած... Սակայն հոգաբարձուներն ընդդիմացան երկրպագութեան անհամապատասխան մի այդպիսի արտայայտութեան. լուռ էին գանգերը, բայց կանայք, բնական հետաքրքրութիւնից դրդուած, գոյնզգոյն պսակներով շրջապատեցին եկուորներին և տարան ազգականների հիւրընկալ տները:

Նոցա յազժական գնացքը ցոյցի բնաւորութիւն էր կրում: Լուսաւորչական դաւանութեան կողմնակիցները նորեկ վարդապետներին նեցուկ էին համարում, մինչդեռ միութեան պաշտպանները, տրամադրուած շինելով դէպի հիւրերը, աշխատում էին նսեմացնել հանդիսաւորութիւնը: Բնակիչներից տղամարդիկ անտարբեր և չէզոք էին վերաբերվում նոցա, իսկ կանայք բարձրաձայն արտայայտում էին իրենց ուրախութիւնը:

Այսպէս անցաւ մի բանի օր:

Բայց ահա լուր է տարածվում, թէ վարդապետը քարոզ է խօսելու մայր եկեղեցում: Հետաքրքրութիւնն հառաւ իւր գագաթնակէտին: Վաղ առաւօտեան ոկսել էին արդէն լցուել եկեղեցին: Սա շինուած էր այն ժամանակ Արևելքում ընդունուած ձևով: Եկեղեցու լայնութեամբ շինուած էր մի վանդակ, որ նորան երկու մաս էր բաժանում. առաջին

մասը, մուտրից, որ աւելի ցած էր, նշանակուած էր կանանց համար, իսկ երկրորդը, որ աւելի բարձր էր, բեմի մօտ, քահանաների, երգեցիկ խմբի և այլ մարդկանց համար էր: Ժամասացութիւնը բաւական երկար տևեց: Պատարագի արարողութիւնից յետոյ սկսեցին կարգալ գանազան կտորներ Յայտմաւորից, իսկ ապա՝ երգել: Սկսեց վարդապետը մենակ, բայց յետոյ շարունակեց երգեցիկ խումբը: Երգեցին հատուածներ շարականից, և ոգևորուած հաւատացեալները ձայնակցում էին խմբին, այնպէս որ այդ տնկանոն բզաւոցի մէջ կորաւ վարդապետի ձայնը. այնու ամենայնիւ պնդում էին, թէ նորա մէջ մի ինչ որ քերովբէական բան կար:

Ահա և երգեցողութիւնը կտրուեց. նշան տուին...

Վարդապետն սկսում է իւր քարոզը: Նա մօտեցաւ վանդակապատին, որ անջրպետում էր տաճարը, և, կիսով չափ թերուելով դէպի կանանց կողմը, աշխոյժ շարժումներով սկսեց նկարագրել իւր թափառելը, եկեղեցու ողբալի վիճակը Մեծ Հայքում, յայտնեց ժողովրդին կաթողիկոսի օրհնութիւնը և նորա խընդիրը, որ հաստատ մնան ս. Լուսաւորչի աւանդած հաւատին և դաւանանքին: Քարոզում նա յիշեց, որ Իլ-Վոլի ժողովուրդը տրամադրուած և հակուած է դէպի նորամուծութիւնները, որոնք կարող են կերտաբեր ազգեցութիւն ունենալ Լեհաստանի սահմաններից դուրս ապրող իրենց եղբայրակիցների վիճակի վերայ:

Քարոզի սկզբում ունկնդիրներին տիրած խորին լուրթիւնն այժմ փոխուեցաւ հաւանութեան և համաձայնութեան բարձրաձայն արտայայտութեան: Փառատիկոս, յուզուած ժողովուրդն այդ վայրկեանին նա-



հատակուելու պատրաստ էր: Սակայն քարոզչի ուկո-  
րուծիւնն ըստ երևոյթին թուլացել էր. հազիւ հազ  
էր նա հատուածներ բերում ս. գրքից, խօսքը  
կտրում էր, կարծես, խիստ զբաղուած լինէր ուրիշ  
բանով, կարծես, ուշքը վրան չլինէր: Եւ արդարեւ,  
նորան դադել էին մի զոյգ սևորակ աշեր, որ կրակոտ  
հայեցուածքով հարուած էին տուել նորա սրտին:  
Անջրպետից ոչ հեռու կանգնած էր մի կին, որ այն-  
քան էլ երիտասարդ չէր, բայց յարգանք ներշնչող.  
դա եղիսարէթ Սեֆերովիչն էր, Կամենեցում գտնուող  
հայազգի կուսաստանի մայրապետը: Ինչպէս արդէն  
մեզ յայտնի է, այդ կոյսերն առանձին եկեղեցի, ա-  
նապատ չունէին: Մայրապետն արժանացել էր եկե-  
ղեցու առաջին աստիճաններին, չունէր միայն քա-  
հանայականը, որովհետև եկեղեցին կանանցից  
քահանաներ չէր ձեռնադրում: Մոլեռանդ կերպով  
կապուած լինելով հին եկեղեցական արարողութեան  
հետ՝ նա կամենում էր իւր ամբողջ ընտանիքը ժողո-  
վել նորա գրօշակի ներքոյ, ամենքին նուիրել Աս-  
տուծու սպասաւորութեան: Նորա ազդեցութեան  
չնորհիւ մեծ աղջիկն ու երկու թոռը կուսական փա-  
րաջայ էին հագել, իսկ փոքրիկը՝ տաննակից տարե-  
կան Գովլաթն, աշխարհական զգեստով կանգնած էր  
եկեղեցում մօր կողքին և միամիտ բերկրութեամբ  
լսում էր երիտասարդ վարդապետին: Եւ ահա այդ  
օրիորդի սև աշերն էին ազդել արևելցի վարդապե-  
տի ճարտասանութեան գեղուն ընթացքի վերայ:  
Սակայն քարոզն ամբողջ երկու ժամ տևեց:

Գորանից յետոյ տեղի ունեցաւ մի նոր, ար-  
տասովոր հանդէս. զոհարերութեան, մատաղի ծէսը,

որ հայերը վերցրել են հրէաներից: Երկու մարդ տա-  
ճար բերին ահազին մեծութեան մի եզ. վախեցած  
կենդանին զարդարուած էր գոյնզգոյն ժապաւէննե-  
րով, որ կապել էին պոզերից, որոնց վերայ էլ  
գանգուլակներ էին ամրացրած: Պոզերի վերայ վառ  
մոմեր էին տնկած, իսկ մէջքը ծածկուած  
էր մի սիրուն գորգով, զարդարուած ոսկէ նախշե-  
րով և չորս կողմից թանկագին կտորով կարած:  
Աստուծուն զոհ նշանակուած եզը դանակով մոր-  
թում էին, իսկ նորա թարմ միսն օրհնուած կրա-  
կով խորովում էին սեզանի վերայ և բաժանում ժո-  
ղովրդին: Այս անգամ հանդէսը գլուխ չեկաւ: Չա-  
րաճճիներից մէկը եկեղեցու մօտ հրացան արձակեց  
— վախեցած եզը դուրս պրծաւ, ցիր ու ցան արեց  
չփոթուած կանանց, իրեն համար ճանապարհ բաց  
արեց և եկեղեցուց դուրս փախչելով՝ սկսեց կատա-  
ղի կերպով վազվզել քաղաքում, յետևից ցեխի մէջ  
քարշ տալ գորգը... Եւ այդ մեծ զուարճութիւն պատ-  
ճառեց լեհ և ռուս ամբոխին: Փողոցի տղաները ծափ  
տալով գոռում էին. — ահա հայոց սուրբ եզը...

Սակայն վերադառնանք Մուրատովիչին: Նորա  
գալուստն ու յաճախակի քարոզներն արժարժեցին  
գիւրաթեր և անտարբեր գաղթականների ֆանատի-  
կոսութիւնը և ամրացրին նոցա կապը դաւանա-  
կան մոլորութիւնների հետ: Այս շարժման գլուխն  
էր անցել վարդապետի հետ և Սեֆերովիչ կոյսը, որ  
քաղաքում քիչ ազդեցութիւն չունէր: Ի վտիկ ու-  
ղարկուող կարգադրութիւններն այլ ևս չէին կա-  
տարվում, և կրօնական հարցերի վերաբերմամբ Կա-  
մենեցն սկսեց դիմել Խոտիմ, ուր հայ լուսաւորչա-



կան եպիսկոպոսն էր: Իլլովից գժգոհները, ինչպէս օրինակ հ. Քրզոսկին, որի մասին յիշում է և հ. Պիլոն, և մի բանի անդրդուելի վարդապետներ ապաստան և հիւրընկալութիւն գտան Վամենեցում:

Երիտասարդ վարդապետը, ինչպէս ամենքն ասում էին, սիրահարուած էր գեղեցիկ Դովլլաթի վերայ: Արդարև, նա գեղեցկուհի էր: Սեֆերովիչների սերունդը հռչակուած էր իւր արտասովոր գեղեցկութիւն ունեցող կանանցով, իսկ վարդապետը շատ մեղմ սիրտ ունէր: Յաճախակի հրաւիրուելով մայրապետի մօտ խորհրդածութիւնների համար, նա միշտ այնտեղ պատահում էր և այդ օրիորդին: «Վարդապետը, — ասում է տարեգիրը, — պատրաստվում էր քահանայութիւն ընդունել, որպէս զի ամուսնանար օրիորդի հետ, որովհետև եղել են գէպքեր, ինչպէս ծերերն են պատմում, երբ վարդապետներն ամուսնացած հոգևորական են գարձել... Նա մինչև անգամ իւր անկողինն արդէն եկեղեցի էր տարել, որ այնտեղ 40 օր աղօթէր, ապաշխարէր»: Մական աղջկայ մայրը չէր համաձայնել, որ ամուսնութիւնը կայանայ: Մայրն ուրիշ բան ի նկատի ունէր. նորա նպատակն էր աւելի ամրապնդել քայքայուող հաւատը — յամառութեամբ և հաստատուն կերպով կուուել մինչև վերջ և հին սովորութիւններից և ոչ մի բայլ չհեռանալ: Իւրայինների շրջանում նա նկատում էր անտարբերութիւն և ոչ մի յարգանք գէպի այդ աւանդութիւնները, որ սուրբ էին իրեն համար: Եւ այրի կնոջ ֆանատիկոսութիւնը խոչընդոտների պատճառով աւելի էր սաստկանում, սովորական սահմաններից դուրս էր գալիս:

Երկու եկեղեցիների միութեան պատմութեան ասպարիզում, ուր աւելի շատ խորամանկութիւն և խարդախութիւն էր գործադրվում, քան թէ եռանդուն ընդդիմադրութիւն, այդ կինը խիստ աչքի է ընկնում. նա կանգնած է անդրդուելի, բողոքում է բարձրաձայն մինչև ի մահ: Ինչպէս կարող էր նա փորձութեան և աշխարհային գայթակղութեան յանձնել իւր աղջիկը, որ Աստուծուն էր նուիրուած: Մուրատովիչը մերժումն ստացաւ, բայց և այնպէս ֆանատիկոս պառաւի կողմնակիցը մնաց, և յայտնի չէ, թէ այդ կուին ինչով կրվերջանար, եթէ 1662 թուին Դովլաթը չմեռնէր: Նորա մահից յետոյ անմխիթար վարդապետը հեռացաւ աստուածաբանական վէճերից: Նորա լեզուագէտ Զիմնովիչ ընկերը՝ որ միութեան ջերմ պաշտպան էր, համոզեց գժբաղդ սիրահարին թողնել Վամենեցը, և երկուսը միասին Իլլով գնացին: Մուրատովիչի հեռանալով լուսաւորչականները կորցրին վիճաբանական ասպարիզում մի փառաւոր ոյժ, որ իւր առենարանութիւններով անպարտելի էր — այդ իսկ վայրկեանից հայերի գործը տարուեցաւ...

Կրօնական տարաձայնութիւնների վերջնական լուծման ժամանակը մօտենում էր: Լեհական հանրապետութեան բոլոր հայ գաղութները հպատակուեցան Իլլովի արքեպիսկոպոսին: Վամենեցն էլ հպատակուեցաւ՝ միայն առ երեսս, — իրօք նա դաւանում էր նախկին կրօնը: Տեղական լատին հոգևորականութիւնը շարունակ տեղեկութիւններ էր հարգում Թորոսովիչին Վամենեցի ոչխարների ազանդի և «կռապաշտութեան» մասին: Այդ տրտունջ-



ներին ու գանգամներին հովիւը լռութեամբ էր պատասխանում, որովհետև, ինչպէս մենք գիտենք, ներողամիտ լինելու համար նա բաւականին կյորիկ գումար էր ստացել, սակայն հերետիկոսութիւնը վերջնականապէս արմատախիլ անելու համար չուզումից ուղարկուած երկու Թէադօրեանները չէին կարող անտարբեր լինել դէպի հայերը:

Նոցանից մէկը, հ. Կղեմենտիոս Գալանոսը, ամենավճռական ըստ էին յանկարծ մեռաւ՝ մի քանի օր հիւանդ լինելուց յետոյ. մնաց մենակ հ. Պիղուեն, սակայն սա չլիսեցաւ դժուարութիւններից: Երկար ժամանակ աշխատանք և ճիգ թափելուց յետոյ նա ստիպեց Թորոսովիչին և նորա օգնական Քերեմովիչին սահմանները վնալ: Օգոստոսին նորա արդէն Կամենեցի պարիսպների մօտ էին:

Քարեպաշտ Թէադօրեանը բաւական հետաքրքրաշարժ կերպով է պատմում այդ առարկելութիւնը:

«Ժողովուրդը,—ասում է նա,—մի քանի մղոն եպիսկոպոսի առաջը վնաց. ճանապարհը լի էր թանկագին սայլերով և կառքերով. հետևակներ էլ քիչ չէին: Բազմաթիւ ողջունական ճառեր ասուեցան: Լատին հոգևորականութեան ներկայացուցիչները լատիներէն ճառով դիմաւորեցին նոցա. բնակիչների պատգամաւորները— թուրքերէն. Իլլովի կողմէ գիւղումի աշակերտները, հ. Պիղուի սաները, որոնք արքեպիսկոպոսի հետ էին, սղջունական ճառերին հայերէն պատասխանեցին, գրաբառ լեզուով, որ սաստիկ ուրախացրեց տեղական ազնուականներին»: Մայր եկեղեցու գանգակները բարձր դօղանջում

էին, երբ փարախի հովիւը նորա կամարների տակը մտաւ. երգիչների ներգաշնակ խումբն ուրախ օրհներգով ողջունեց, երաժշտութիւնն էլ ձայնակցում էր խմբին... Մեծ էր ծխականների ցնծութիւնը,— համարեա պարելով էին ուղեկցում ճանապարհորդներին. միայն կանայք քիչ էին հաւաքուել տաճարի ներքին կիսում, և սոցա թուում ոչ միանձնուհիք կային, ոչ էլ Սեֆերովիչը:

Երեկոյեան ժամասացութիւնը կատարեցին լատինական կարգով. սկիզբը յաջողուեցաւ: Բայց հետևեալ օրը նորամուծութիւններ անողները խոչընդոտների հանդիպեցին: Տեղական քահանաները չէին կամենում հռովմէական եկեղեցու կարգով պատարագ մատուցանել, առարկելով թէ չեն իմանում: Սակայն եպիսկոպոսը գիշանելու միտք էլ չուներ: Երկար ու բարակ վիճարանութիւններից յետոյ երկու կողմն էլ համաձայնութիւն կայացրին մի քանի օրով հարցն առկախելու: Այդ մասին առանձնապէս աշխատում էր հ. Պիղուեն, որ ամեն մի ըստ է թուղթ էր սպասում թագաւորից: Եւ արդարև, թուղթ ստացուեցաւ, բայց այնտեղ ոչ մի խօսք չկար հայերին բռնի միացնելու մասին: Այս որ իմացան հայ գաղթականները, գլուխները վեր բարձրացրին...

Սակայն զլխաւոր գրգիշը, որ յորդորում էր նոցա ընդդիմադրելու, կին էր:

Ոչ այնքան սիրելի արքեպիսկոպոսի գալուց մի քանի օր անցած՝ ուշ գիշերով, գաղթականութեան աւագները հաւաքուեցան Վասիօ դատաւորի մօտ: Սա միջին հասակի, խաղաղ բնաւորութեան, անտարբեր դէպի հաւատի վերաբերեալ հարցերը, ա-



ւելի տուր և առին անձնատուր մի մարդ էր՝ պսակուած Սուլակա Սեֆերովիչի՝ մեզ արդէն ծանօթ հայ միանձնուհիների մայրապետի աղջկայ հետ: Հաւարուածների մէջ կային մի քանի ռայց, այն է՝ Վարդան Մուրատովիչ, որ նոյնպէս վաճառական էր, բայց մեծ ջատագով նորամուծութիւնների. նա իւր որդուն տուել էր լեհական Կաղիմիր անունը և կըրթութեան համար ուղարկել էր յիսուսեանների կոլլեգիան: Հայր ու որդի հաշտութեան տարբեր էին հանդիսանում, բայց միւս ներկայ գտնուողները՝ նախագահ Յարժիկ Կրիստովովիչը, որ աւելի քան երեսուն տարի «հաւատարմատար մարդկանց» պարագլուխն էր, յետոյ Միկլոշ Գոլուբովիչը, Ասուադուր Եարոշը, Իսայ Տէր-Աբրամովիչը, Գրիգոր Աբսենտովիչը կուսակից էին նախահայրերի հաւատին իւր բոլոր մեղանշութիւններով ու մոլորութիւններով հանդերձ, որ սակայն գատապարտվում էր նոյն իսկ էջմիածնի իշխանութեան կողմից:

Պատուաւոր մարդկանց հետ, որոնք ազգի բախտն էին վճռում, այդտեղ ներկայ էին գտնվում երկու երիտասարդ, որ մեզ լաւ ծանօթ են.— Կրիստով Զիմանովիչը և Եան (Յովհանն) Գրիգոր Մուրատովիչ պատուական հայր սուրբը: Մուրատովիչը սաստիկ փոխուել էր. ճիշտ է, նա թէև տխրադէմ և լուռ էր մնացել, բայց աւելի եւրոպական տեսք ունէր: Վարդապետական շորով էր, բայց ոչ վեղար էր դնում և ոչ գաւազան կրում, որ բարձր աստիճանի նշաններ են: Իվովում անց կացրած շորս տարին քիչ ազդեցութիւն չէր արել նորա վերայ. նա համոզուեցաւ, որ միութիւնը վաւերացնում է այն

պարտաւորութիւնները, որ առաջուց ընդունել էին ս. Գրիգորի հետևողները: Այդ պատճառով էլ նա սկսեց մեզմ, բայց համոզեցուցիչ կերպով ապացուցանել իւր եղբայրակիցներին, թէ նորա մեղանշում են Աստուծոյ դէմ, ընդդիմադրութիւն ցոյց տալով արքեպիսկոպոսին:

Ժողովը խռովայոյզ և ազմկալի էր, ինչպէս սովորաբար լինում է արևելցի մարդկանց ժողովը: Անյայտ հեղինակը, որի ձեռագրից մենք օգտվում ենք, 30 տարի անցնելուց յետոյ է նկարագրել այդ ժողովը աստուածաբանին յատուկ բոլոր նրբութիւնով: Սակայն մենք այդ նկարագիրը չենք կրկնիլ. կասկածում ենք, որ հետաքրքրական լինի ընթերկասկածում ենք, որ մանաւանդ որ այնտեղ խօսք էլ ցոյցների համար, մանաւանդ որ այնտեղ խօսք էլ մաձայնում էին, որ եկեղեցական գրքերի սխալները մեծ են և պէտք է այդ սխալներն ուղղել. որ յայտնի տօների կատարումը որոշ չափով պէտք է կանոնաւորել, ապաքէն ժամանակով ամբողջ կեանքը տօներից բաղկացած կըլինի: Կարծիքների տարբերութիւնը միայն մի բանի մէջ էր, այն է՝ պատարագի ժամանակ գլխին ջրի հետ խառնելը: Այս փոփոխութիւնն ընդունելու համար գաղթականները հաւանութիւն չէին տալիս: Բայց վարդապետի աւարկութիւններն ունեցան իրենց ազդեցութիւնը, և մինչև անգամ ամենաթունդ ու յամառ հակառակորդ Յարժիկ Կրիստովովիչը՝ գուցէ Լեհական Հանրապետութեան հետ սերտ կապուած լինելուց, սկսեց դիջանել, մանաւանդ երբ վարդապետը բոլոր թեր ու



դէմ կէտերն առաջ բերելուց յետոյ վերջնականապէս պարփակեց, թէ «Թագաւորն էլ կամենում է այդ Կիւլթիւնը, թագուհին էլ ազօթում է Աստուծոն գորա համար։

Այդ վայրկեանին դուռն ազմուկով բացուեցաւ և շեմքում երևեցաւ մի հասակն առած կնոջ դէմք։ մուսական ծանր, մուկ հագուստը, գլխի սպիտակ ծածրը մի տարօրինակ երևոյթ էր դռան բարէ ֆոնի վերայ...

— Սեֆերովիչ մայրապետը, — լսուեցին մի քանի ձայներ։

— Այն, մայրապետը, — պատասխանեց նա, — մայրապետը, որ սակայն չէ հրաւիրուած և երևում է ձեր առաջ, որպէս զի իմանայ, թէ ինչ էր որոշում ժողովրդի երջանկութեան համար...

Ներկայ եղողները միմեանց նայեցին։

— Ա՛, այս ստապատիր վարդապետն էլ այստեղ է, — շարունակեց մայրապետը նկատելով Մուրատովիչին։ — Իմ աղջկայ մարդու տանը հերետիկոս, հաւատացեալների մէջ...

Փեսան աշխատում էր հանգստացնել նորան, որովհետև յարգանքով պէտք էր վերաբերուել՝ դէպի վարդապետը նա եկել էր արքեպիսկոպոսի հետ և բացի դորանից նա հիւր էր... Սակայն նորան համոզին ապարդիւն անցաւ։ «Այս մոլեռանդ հերձուածող կինը բորբոքեց իւր եղբայրակիցների սրտերը... ամենքը ցրուեցան տրամադրուած կռուել այն հովուի հետ, որ հովում է իւր հօտը եկեղեցու ս. հայրերի կանոնների համաձայն»։

Հետեեալ օրը միութիւն տարածողները սաստիկ

ազմուկից արթնացան։ Փողոցները լի էին ամբոխով, որ գոշում էր։

— Ահ, բռնութեամբ փոխում են մեր ծէսերը և արարողութիւնները։ Վկայ է ինքն Աստուած, որ թագաւորին կը դիմենք։ Թագաւորին ենք բողոքում, թագաւորին ենք բողոքում։

Յուզուած հայր Պիդուն սակայն չէր կորցրել ուշն ու միտքը. կողմնակի փողոցներով նա գնում է քաղաքի լեհական թաղը և մտնում մայր եկեղեցու դեկան հ. Լեշչինսկու բնակարանը։ Թափուր էր այդ ժամանակ եպիսկոպոսական աթոռը. մի տարի առաջ միուել էր պատկառելի հ. Զիթովսկին, իսկ նոր թեկնածուներ գտնելը դժուար էր, որովհետև հոգեօրականութեան բարձր պաշտօնեաները սիրով չէին ընդունում Կամենեցի հովիւր լինելու պատուաւոր, բայց անարդիւն և անապահով պաշտօնը։ Հ. դեկանը, լսելով վախեցած Թէադիսեանի աղերսը, խորհրդի կանչեց իւր մօտ իւր պաշտօնակցին՝ պատկառելի կանչեց իւր մօտ իւր պաշտօնակցին՝ պատկառելի Զ. Պիդուի գրած կէտերը դրոշմեն մատնանում և զնեն դիւանի մէջ մտնեցնաւոր յիշատակութեան համար, և ոչինչ աւելի։

Սակայն խռովութիւնը սաստկանում էր. նա անցաւ քաղաքի ռուսաց մասը, և լեհական շուկայումն էլ ժողովուրդն սկսեց լամբուիլ։ Խաղաղ քաղաքում էր ժողովուրդն սկսեց լամբուիլ։ Խաղաղ քաղաքում էր ժողովուրդն սկսեց լամբուիլ։ Խաղաղ քաղաքում էր ժողովուրդն սկսեց լամբուիլ։ Խաղաղ քաղաքում էր ժողովուրդն սկսեց լամբուիլ։ Խաղաղ քաղաքում էր ժողովուրդն սկսեց լամբուիլ։



բիկը: Պողոտի ժեներալը՝ բերդի տէրն ու հրամանատարը, Ստանիսլաւ Ռեկերա Պոտոցկին, որ այդ ժամանակ 87 ամեայ ծերունի էր, մեռնում էր Պողջայցիում. Պողոտի Վոեվոդան՝ Ալէքսանդր Ստանիսլաւ Բելժիցկին, ապրում էր Վարշաւում, ուր նա զբաղուած էր սահմանազլխի յանձնաժողովի գործերով:

Իրաւ է, նիկոլ Բեզանովսկիյ կաշտեյեանը քաղաքումն էր, բայց սա բոլորովին չէր ցանկանում մասնակից լինել վիճաբանութիւններին:

— Ի՞նչ էք կամենում, — հարցնում էր նա, — չէ՞ որ նորա թագաւորին են գիմում, պահպանում են իրենց արտունութիւնները, որ տուել է նոցա կառավարութիւնը...

Երբ հ. Պիգուն առանց որ և է հետեանքի տուն էր վերագառնում, ճանապարհին ընկաւ ազմուկ հանող գաղթականների մէջ: «Ես գողում էի ահիւց, — գրում է նա, — վախենալով որ մի գուցէ խռովութիւնները սաստկանան»: Բայց երևում է, որ բաւական խաղաղ ապստամբողներ են եղել, քանի որ հ. Պիգուի գլխից ոչ միայն մի մազ անգամ չէր ընկել, այլ և թողել էին, որ նա քարոզէր և երբնա յայտնել էր, թէ Վարշաւ պիտի գնայ թագաւորի մօտ պատմելու Գամենեցում ունեցած իւր անյաջողութիւնները... այն ժամանակ բոլոր գաղթականները, երբ լսում են թագաւորի անունը, իսկոյն լռում են և սկսում հաւատացնել նորան, թէ «կամենում են միանալ, բայց չեն կամենում բռնութիւն»: Սակայն խեղճ իտալացին իւր անձի համար էր երկիւղ կրում և հանգստացնում յուզուածներին, «և այսպէս — շարունակում է նա, — ես պրծայ նոցա

ձեռից և եկայ եպիսկոպոսի մօտ»: Բայց հովիւները, տեսնելով որ ոչխարները ցրւում են, պակաս շահահանգստացան և պահանջեցին զօրապետի փոխանորդից, որ զինուած մարդիկ ուղարկէ. սակայն դեռ առաջ նա ինքն էր առաջարկել այդ իւր կողմից, իսկ «այժմ, փոխանակ խռովարկուններին վախեցնելու, ինքն էր վախեցած վազում եպիսկոպոսի մօտ և խնդրում, որ, եթէ կարելի է, չգրգռէ հայ ժողովուրդը, որի ձեռքումն է Կամենեց քաղաքը, այդ կարևոր և օտարների աչքում աւարի համար պատուական համարուած քաղաքը: Նա ուշադրուածութիւն գարծրեց և այն հանգամանքի վերայ, որ Կամենեցում լեհացիները սակաւաթիւ են, իսկ յոյս գնել հերձուածող Ռուսիաների վերայ չէ կարելի, այլ ընդհակառակը՝ պաշարման ժամանակ պէտք է հսկել նոցա աների վերայ, որ չթողնեն թշնամիներին քաղաք մտնել: Նա ինքը կարծում է, որ եպիսկոպոսը պէտք է մի թուղթ գրէ թագաւորին և նուիրասը պէտք է մի թուղթ գրէ թագաւորին և նուիրակին, իսկ հայ ժողովուրդը խոստանում է իւր կողմից ամեն բան անել, երբ կրստացուի թագաւորի հրամանը»:

Այսպէս է գրում հ. Պիգուն: Քաղթական հայերի խորամանկութիւնը բաւական յաջող էր — Եան Կաղմիրը, որբան էլ որ սրտանց կամենար, բռնի կերպով չէր կարող միութիւն մտցնել, որովհետև հակառակ վարուած կըլինէր այն արտունութիւններին, որ ինքն էր վաւերացրել: Աւելայցիներ և այն, որ այդ ժամանակ զօրապետի փոխանորդը և ամբոցապետն Ալոյիսիոսն էր, որ մի եռանդուն, բաջասիրտ և խորաթափանց մարդ էր: Քուցէ նորա համար ձեռնտու



էր Թորոսովիչի առաջ իրեն շատ անհանգիստ ներկայացնել, որովհետև չենք ենթադրում, որ նա հայ բնակիչներէց վախեցած լինէր, որ մինչև այժմ յայտնի ազգերից ամենաանմեղն է: Զօրապետը գործում էր աւելի որպէս խաղաղութիւն սերմանող. նորա խորհրդով ժողովուրդը երկու պատգամաւոր ուղարկեց Վարչաւ, որոնց պարտականութիւնն էր գահի առաջ պաշտպանել հայ ժողովրդի իրաւունքները: Այդ նպատակի համար Սեֆերովիչ այրին նուիրեց 1000 ոսկի իւր սեպհական կարողութիւնէից, մի այդքան էլ քաղաքացիները ժողովեցին: Արքեպիսկոպոսը իւր կողմից հ. Գրիգորիս Բալսամին ուղարկեց, և աւերացնենք փակագծում—ճանապարհածախս ոչինչ չտուեց, այնպէս որ բոլոր ծախսերը հ. Գրիգուն պիտի վճարէր: Այդ իսկ միջոցին գաղտնի մարդ ուղարկուեցաւ էջմիածին հարցնելու, թէ ինչպէս վարուեն:

Փոթորկից յետոյ խաղաղութիւն տիրեց: Երկու կողմն էլ, սպասելով պատասխանի, հանգիստ ու խաղաղ էին: Սատանան նեղում էր Թորոսովիչին, իսկ յետոյ նա կաթուածահար եղաւ. նորա օգնականն էլ հիւանդ էր: Հ. Գրիգուն կարգում էր տեղական եկեղեցական գրքերը և նշանակում անճիշտ տեղերը. նորան օգնում էին Զիմոնովիչն ու Մուրատովիչը, որ արդէն եկեղեցիների միութեան պարզ կողմնակիցներ էին:

Կամենեցի բնակիչների կողմից եկած պատգամաւորները՝ Վարչաւ հասնելուց յետոյ, ներկայանում են թագուհուն, որովհետև այդ ժամանակ թագաւորը քաղաքից բացակայ էր, ներկայանում են և նուր-

բակին, որի ծառաներին նորա առատօրէն վարձատրեցին: Յետոյ նորա դիմեցին պետական քարտուղարին, հաւատարով նորան գործի վիճակն ու վճիռ դնելը, թէ երկու կողմերից որն է իրաւացի, և խոստացան, որ անպայման կըհնազանդուեն մի այդպիսի բարձրաստիճան պաշտօնէի որոշմանը: Պետական արտուղարը Նիկոլայ Պրաժմովսկին էր, որ այդ ժամանակ միայն Լուցկի եպիսկոպոս և Սեցիկովի «օպատ» էր. 1666 թ. աշնանը միայն նա պրիմաս և արքեպիսկոպոս նշանակուեցաւ, թէպէտ նորա նախորդը նոյն տարուայ ապրիլի 1-ին էր վախճանուել: Այսպէս Պրաժմովսկի եպիսկոպոսն զբաղուեց Կամենեցի հայերի գործով: Նորա ներկայութեամբ հայերի պատգամաւորները վիճաբանեցին հ. Բալսամի հետ, և հարկէ սա յաղթող հանդիսացաւ: Պետական քարտուղարը շատ պերճախօս էր և կարողացաւ համոզել պարզամիտներին, և հայերն այժմ սկսեցին պաշտպանել իրենց տրուած արտունութիւններն և մատնացոյց անել այն պայմանագիրը, որ առաջուց կապել էին Թորոսովիչի հետ: Ծերակոյտի անգամը խոստացաւ ոչինչ չմոռանալ: Թուղթ էր պատրաստուած Կամենեցի բնակիչներին ուղարկելու. թագուհին և նուիրակը նամակներ էին գրել հ. Գրիգուն:

Մանաւանդ բազաբապիտական էր թագուհու վարմունքը: «Ձեր թուղթն ստացանք,—գրում է Մարիա-Լիւդովիկէն,—և մեծ հաճութեամբ լսեցինք ձեր առաքելութեան յաջողութիւնները. հաճելի կըլինի, եթէ ապագայում էլ երբեմն երբեմն տեղեկութիւններ տաք մեզ գործերի մասին»: Նա գիտէր, որ այդ նամակի պատճէն բազմաթիւ օրինակներով պիտի տա-



ուստուն օր եկեղեցում են անց կացնում, այնտեղ են ուտում, խմում և աւետարան կարդում, գլխաւորապէս չորս աւետարանիչներին: Մոլորութիւնները Իլլովում վերջնականապէս արմատախիլ անելու նպատեցին Թէադօնեանների գալրոցից դուրս եկած քահանաները:

Սակայն ոչ ամենքն և ոչ էլ մի անգամից ընդունեցին նորամուծութիւնը: Մայրապետ Սեֆերովիչը և միանձնուհիները չենթարկուեցան նորան: Նորա համար յանցանք էր հին հաւատին կպչելը: Այդ պառաւ կնոջ հետ շատ քաղաքավար կերպով պատահում էր հ. Պիղուն և աշխատում համոզել ու գրաւել նորան, — բայց ի գուր, ոչինչ չէր օգնում. այդ պատճառով նա ուրիշ, թերևս ոչ այնքան պատուաւոր միջոցների դիմեց: Իւր յիշատակարաններում նա յիշում է այդ մասին. «Մի քանի անգամ ծածուկ խօսեցի Կամենեց քաղաքացի մի հայ միանձնուհու հետ, որի անունը Մարիամ էր, մօտաւորապէս 35 տարեկան, և որովհետև նա այցելել էր շատ աշխարհներ՝ Հայաստան, ս. Տեղերը, Իտալիա, ուստի բացի իւր ընիկ, այսինքն ռուս և թաթար լեզուներից, գիտէր և իտալերէն ու հայերէն: Եւ որովհետև յաճախակի նա տրտնջում էր ուրիշ հայ կոյսերի՝ իւր ընկերուհիների, անկարգ ու անկանոն կենցաղավարութիւնից, որի մասին վերը ես յիշատակեցի, այդ պատճառով էլ յորդորեցի եպիսկոպոսին, որ գնայ, այցելէ նորան և ըստ կարելոյն աշխատի վերացնել այն անկարգութիւնները, որ սովորաբար սպրդվում են միայնակեաց կանանց կեանքի մէջ, մանաւանդ եթէ չունին որոշ կանոններ և տեսուհներ: Արքեպիսկոպոսը

գնաց և տեսաւ այդ խառնիճազանճ վիճակը, որի մէջ բնակվում էին, նոցա անընդհատ կռիւներն ու տարաձայնութիւններն, երբ և իմացաւ, որ նորա միայն աշխարհական իշխանութեան հրամանով են միանձնուհիներ, առանց եպիսկոպոսի կամ քահանայի օրհնութեան, պատրաստ էր արդէն իմ խորհրդով իւրաքանչիւրին իւր տունն ուղարկելու, մինչև որ կըզգջան և կընդունեն կանոնադրութիւնը: Սակայն նոցա մայրապետը՝ մի Սեֆերովիչ, կին հայկոյց աւագ դատաւորի գորանչը՝ յամառ հերետիկոսուհին, ոչ մի կերպ չտուեց իւր հաւանութիւնը»:

Բանը վերջացաւ նորանով, որ Մարիամն ստի-պուած եղաւ թողնել վանքը. միւս միանձնուհիները մնացին՝ պահելով հին կանոնները: Ինչպէս տեսնում ենք, Սեֆերովիչը շատ ազդեցիկ անձնաւորութիւն էր և չէր կարելի նորան բանի տեղ չդնել: Միութիւնը կայացնելուց յետոյ նա մի անգամ էլ փորձեց բողոք յարուցանել. նա համոզեց իւր եղբայրակիցներին ս. Մարիամ կուսի տօնին խմբովին Խոտիմ գնալ լուսաւորչական հայերի եկեղեցում ժամատացութիւն լսելու: Բայց Ալոյիսիոս զօրապետը, տեղեկութիւն ստացած լինելով այդ մասին, հրամայեց, որ քաղաքի գարպասները փակեն և ոչ որի դուրս չթողնեն, այնպէս որ այդ ֆանատիկոս կնոջ զիտաւորութիւնը չիրագործուեցաւ: Այդ ժամանակից նա այլևս եկեղեցի չէր գնում, բայց մի մատուռ շինեց մենաստանի կողքին: Հաւատացնում էին, երևի, առանց պատճառի չէր, որ կրօնափոխ քահանաներից մէկը շաբաթը մի անգամ իւր տանը ծածուկ պատարագ էր մատուցանում այն գրքերով, որոնք ազաւաղուած չէին



նոր սրբագրութիւններով: Տաճկաց արշաւանքի ժամանակ մայրապետը դեռ Կամենեցում է լինում. զնացել էր նա արդեօր միւս միանձնուհիների հետ դէպի Արեւելք, թէ այդ թափառումից առաջ աւարտել էր կեանքը,— ոչ մի տեղեկութիւն մեզ չեն տալիս դորա մասին այն ազբիւրները, որոնցից մենք օգտվում ենք:

Միութեան պատճառ հ. Պրզուն թողեց Լեհաստանը 1668 թ. և զնաց Իտալիա. նորա մասին ուրիշ ոչ մի բան չգիտենք:

Նիկոլ Թորոսովիչ եպիսկոպոսն իւր սիրական միանձնուհու մահից յետոյ, որին նա հրամայեց մեծ շքով թաղել Իլվովում, դէպի լաւ փոխուեցաւ: Թողեց ձիեր վաճառելը, թէև մինչև մահ ձիերի սաստիկ սիրահար մնաց, իսկ որ զլսաւորն է, թողեց ծխականներին կեղերելն և եկեղեցական սպասներ յափշտակելը, բաւականանալով այն արդիւնքներով, որ նա իրաւունք ունէր ստանալու: Իւր կեանքի վերջին տարիները՝ հռովմից վերադառնալուց յետոյ, նա անց կացրեց աղօթքներով և յիշատակարան գրելով, և մեռաւ 1681 թ. շատ օրինակելի կերպով, չհասնելով խորին ծերութեան, ինչպէս առ հասարակ լինում են այդ ազգի հոգեւորականները: Այսպէս թէ այնպէս կէս դարուց աւելի՝ 54 տարի, նա կառավարեց հօտը: Նա կրօնական յեղափոխութիւն անող չէր իւր համոզմունքներով: Պատահաբար առաջ զնալով նա թսկնում էր, որ իրեն կառավարեն—և իսկապէս դորա մէջ է նորա արժանիքը:

Կամենեցի նուաճումից յետոյ Եան Գրիգոր Մուրատովիչը գալիս է Իլվով, ուր սեպհական տուն ու-

նէր: «Նա նշանաւոր էր իւր բարք ու վարքի արտակարգ մաքրութեամբ, և որպէս լուսաւորուած ու զիտութիւնների միշտ նուիրուած մարդ, Վարդան արքեպիսկոպոս Գուպանեանից նշանակուեցաւ առաքելական պրոտօնատարիուս»: Նա բահանայ դարձաւ: Այսպէս վերջացրեց իւր ասպարէզը Կամենեցում ծընուած և հեռաւոր արևելքում կրթուած վարդապետը: Սորանով աւարտում է մեր պատմութիւնը:

Այսպէս է այն Հայաստանի պատմութեան վերջին երեսը, որ տեղափոխուել էր Լեհական Հանրապետութեան հովիտները: Այդ ժամանակից եկուորների դժերը, որ զանազանում էին նոցա բնիկներից, աւելի և աւելի հարթվում են. եկեղեցին՝ ազատուելով պրէտորների ու հոգաբարձուների լծից, աւելի անկախ դիրք է ձեռք բերում և հռովմի հետ կապուած լինելով՝ յետ է մղում արևելեան քաղաքակրթութիւնը՝ փոխարինելով նորան արևմտեանով: Լեհացիները՝ որպէս հետևանք այդ փոփոխութեան, միայն ժամանակի խնդիր է դառնում:

Գորան նպաստում է Կամենեցի և Պոզոլեան նահանգի նուաճումը: Յամառների մի խումբ,— աւելացնենք ոչ բազմաթիւ,— տաճիկների իշխանութեան ներքոյ մնաց, իսկ մեծամասնութիւնը Լեհաստան շտապեց, որպէս իւր հարազատ և սիրելի հայրենիքը... XVІІІ-րդ դարում գաղթականների մի նոր հոսանք, որ փոքրիկ խմբերով հաստատուել էին Լեհական Հանրապետութեան մէջ, հեշտութեամբ էր ընդունում տեղական սովորութիւնները. շուտով նա լեհացաւ առանց որ և է բռնութեան, այնպէս որ հետեւեալ սերունդը ոչ մի բանով չէր զանազան-



վում լեհական թագաւորութեան միւս ընակիչներից, բացի արտաքին գծերից, որ ընտրուում էին նոցա արեւելեան ծագումը:

Կրկնում ենք, գաղթականները լեհանում էին, որովհետև նորա գոհ էին, որովհետև նոր հայրենիքը հիւրասիրութեամբ էր նոցա ընդունում իւր գիրկը, լաւ սեղանին էր նստեցնում, պատուաւոր տեղ էր ցոյց տալիս եկողներին, ասես թէ իւր բաց սրտով և հիւրասիրութեամբ կամենում էր թեթեւցնել աստանդականութեան նոցա դառն բաժինը, սրբել մայրենի երկրի համար նոցա թափած արտասուքը...

Հալածուածները մխիթարվում էին, հաւատացած լինելով թէ այն ողորմածութիւնն ու բարերարութիւնը, որ իրենց ողջունին ցոյց էին տալիս որպէս պատասխան, չեն լինիլ վայրկենական պարգև, այլ մշտական և անխախտելի... Եւ կապուեցան նորա այդ երկրորդ մօր հետ: Երևում է, որ նա խորթ մայր չէր, այլ գորովալից ստնտու մայր, որի կրծքում այնքան սէր կար, որ բաւականութիւն տուեց ոչ միայն իւր զաւակներին, այլ և խանդաղատեց օտար, անտուն որբերին...


Կապուելով կամաց կամաց նորա մոռանում էին հայաստանի կապուտակ երկինքը, առասպելական գեղեցկութեան հովիտները, մայրենի երկրի անթիւ ու անհամար հարստութիւնները...

Ճանապարհորդական վրաններ խփելով ժայռերի վերայ՝ նորա առ միշտ ընակութիւն հաստատեցին մեր մէջ, և այնպէս ձուլուեցան այս անկիւնի հետ, որ այդ ժամանակից մեր աղքատիկ երկիրը նոցա

աչքում աւելի թանակ սկսեց երևիլ, քան նախկին հարուստ երկիրը: Այդ պատճառով, երբ թշնամին սպառնում էր Լեհաստանին, նորա ամենքը, որպէս մի անձ, նորա պաշտպանն էին հանդիսանում... Եւ վերջ ի վերջոյ լեհական հայերից նոքա դարձան «լեհացիներ հայկական ծագումով»...









« Ազգային գրադարան



NL0397837



5666

